

永寧縣志卷之七

永寧縣知縣賴能發輯

人物志第七

列傳 德壽

義行 文學

孝友 義勇

篤行 隱逸

寓賢 節烈

貞女 壽婦

大書特書春秋維嚴及易經為史為書龍門之踈扶風之密皆於人物斟酌焉吉鼂人物甲江右寧其屬邑也析置以來彪炳方策者不亞諸邑是匪特地靈所毓蓋亦有相觀而善者吳楚多材不減魯衛所謂翠黍梁父之陰柴桔却車而載也茲標

永寧縣志

卷之七

人物

一

其單傳若顛傳則分門而別顛即閨闈笄輦之徽亦囊以括之嗚呼山川不改仰止猶新無待而興端有望於繼起者志人物

列傳

昔大史公作史記上下數千載人物括以七十列傳而顛傳劣傳舉在其中蓋秉筆若斯之嚴也今單傳寧士而數踰十者豈曰論士於鄉邑故寬其格哉亦以我朝重熙累洽棫撲作人馮翼孝德比肩而立名碩循良聯袂而升異時採入國史不

減西京東都矣獨恠理學一傳其人闕如後之秀杰可不奮與

元

謝起周七保人好賢重道智識超人士過者餉之以
贐求直者斷之以理復念舊隸永新賦役惟艱與
鄉老劉彥時等請於州州以聞乃置今縣時刺史
高士廉見其賢特奏辟為南雄稅課使一廉自守
商無濫稅及歸隱州官鐸倫率其民送至梅嶺為
作廉吏傳以紀去思

永寧縣志

卷之七

列傳

二

明

鄒佑初名位少聰學博丰度端嚴志不在小洪武年
間以貢士為序班聲音響亮如洪鐘太祖甚竒之
召對試治安策五深合上旨御筆更以今名授廣
東監察御史蹇諤風裁不避權勢所至斥蠹摘奸
甚愜民心陞廣東按察副使吏不忍欺民誦其廉
卒於官祀鄉賢

江志昂永樂辛丑進士少聰慧博通經史且精於書
泐人鮮能及授刑部主事克勤厥職折獄無冤多

所申雪以明恕著聲旣乞歸築梅塘書院讀書其中杜門謝事詩酒自娛歲時祀先竭誠事親祀鄉賢

蕭翼字體全登進士知潛山縣勤心撫字廢舉利興邑故無芋自鄉載芋教民種食民因謂之蕭公芋丁內難歸父老遮道攀轅服闋改知長垣縣時黃河泛溢民舍漂沒十之八九翼身先衆役築堤以捍河潰發粟賑其災二年民始定立廟堤上祀之秩滿入京乞留者數百人弗可衆號慟而公冢宰

永寧縣志

卷之七

列傳

三

王公直嘉其績超遷順德知府數月病卒行李惟琴一張

劉肇由歲貢任貴州安順知州持己廉而有為馭吏嚴而不苟臨事明斷治獄平允修學校作士黜尤其所急以最陞常德知府未至任而卒祀鄉賢
靳明行修志潔學問純正其為文未嘗起稿督學使者馮瀾稱其文思磊落科甲長材既以貢授欽州學訓以身為教一毫無苟尋歸隱創友竹書屋積書千卷終日對讀絕迹公庭歲時佳節與宗族鄉

黨詩酒交歡談論道義人以古君子稱之祀鄉賢
唐禎自少刻意經史動修規矩以貢授漳州學訓其
教人率先道義士多嚮化既歸老課子姓手不釋
卷凡四禮悉奉家禮而行為邦表率祀鄉賢
蕭璲字貴佩祖韶安化縣訓導父宣樂會縣訓導宣
卒竭力事母匪直冬溫夏清諸凡奉養無不承顏
順志年七十一膺貢授霍山訓導以身為教士心
悅服考滿乞歸祀鄉賢

羅正新氣岸魁偉進退循禮以貢授任邱訓導陞洛
永寧縣志

卷之七

列傳

四

南教諭化導有方諸生多所造就祀鄉賢
劉正寅字元春宗人府儀賓儀表俊偉志識超越博
通經史好善樂施孝友著聞於鄉邑節義推重於
郡藩事有裨於寧民輒為出貲圖濟其與縉紳賢
豪交歡者幾遍宇內焉

謝容儼字德望號七峯生時靈芝獻瑞未總丱即能
屬文人以神童目之領嘉靖丙午鄉薦次年春官
闈中得頭場卷擊節稱賞擬元以偶恙未及終試
遂寘之放榜後主司猶握卷深為扼腕梓其文行

於世祀鄉賢

宋禮字大本洪武中以國子監生擢山西按察司僉事左遷戶部主事署禮部事以敏練擢禮部右侍郎進工部尚書永樂中命開會通河禮乃四分南流以接徐沛六分北流以達臨清為閘十七達於漳御為閘二十一達於河淮漕艦疏通軍民利賴還京論漕渠功禮第一禮性剛馭下嚴急故易集事然亦不為人所親卒之日家無餘才弘治中主事王寵始請立祠祀之南旺湖上

傳詳省通志

永寧縣志

卷之七

列傳

五

謝嘉聖天啓五年任貴州通判時安酋作亂省城被圍黔撫李樗專委嘉聖監紀通判督理糧餉防守城垣晝夜不分寢食俱忘盡心竭力堅捍危城而賊勢益熾困圍日久援乏糧絕上憲會議密遣螟男羅藍往滇乞援行至普定被賊執縶歸城下詐喊援兵已至嘉聖狂喜臨城出視賊如雨下被射左頰仍復負傷不懈晝夜登陴防守幸府兵至賊圍始解柰箭瘡復作竟不得起黔中士民哭奠安厝祀主古廟蕩平叙功題請恩卹奉熹廟旨謝嘉

聖卑秩効死深可矜嘉着部查議隨兵部趙煥題
覆以原官贈三級賜祭一壇至今貴州建祠祀之
趙煥為之傳并贈以扁

龍遇竒字才鄉號紫海年甫四歲馴父義方遵母和
丸叩角入泮弱冠廩餼博洽經史萬曆戊子鄉舉
登辛丑進士殿試三甲由通政使觀政授任浙江
金華府金華縣撫字催課恰職無隕祠碑遺愛森
立婺土考滿奏績報最行取候命神京五載特
簡陝西代巡邊關補任楊州釐剔塩法勤勞王事

永寧縣志

卷之七

列傳

六

國爾忘家銜註巡按三秦兩淮湖廣道監察御史
捐俸買田建立維揚書院措膳青原山講院創永
寧會館列白鷺書院理學名臣著書立言昌明道
教表表追樂善遺風事君忠事親孝其令聞廣譽
昭人心目兩佩勅印還梓乞贈父母焚黃禮成庚
申春三月卒羈人士親炙道範歷誌世澤崇祀鄉

賢傳載省府誌

謝時良生而穎悟方四歲能學書識字背有肉痣似
廡補及五歲母病苦藥輒取代飲母喜遂愈御史

龍公驚異之以兄子妻六歲入小學一日十行日記千言十一遊大學即隨龍公問業於青原白鷺間常自言曰為人不可不思做聖人人或嗤之彼應曰經生業一世事耳聖人者百世師人人有作聖根基豈可當面錯過人服為至言一日在講席一士問鄒南臯先生曰致知二字既兼內外說如舜之明物察倫此生而知不待致而知者外此則博聞強記亦足云致知否先生領之彼出席對曰致知非難誠意為難一不誠意幾何不流於苟且

永寧縣志

卷之七

列傳

七

自欺乎莫不贊嘆居常教授生徒惟以廣勵人才為念室不蔽風雨家無儲粟澹如也嚴冬衣無重帛適二老叟欲蹇裳渡水遂解衣衣之而不違自恤荒年一葶者臥於道朝夕分粥救之得活後生子顯名冀報之不認恩在庠九試棘闈三副鄉薦卒年四十有四所著有身心圖說璧經講章行世學者稱為誠意先生卒祀鄉賢進士謝九官其長子也

本朝

謝九官公生祥光遶室穎慧異常書過目不遺十歲童子試援筆立就邑侯陸公大奇之公事親孝處兄弟恭與朋友信有國士風娶妻唐氏鄉稱淑慎辛卯領鄉薦壬辰捷南宮是時吉之看花長安者不下百餘人而題名惟公故少司馬李公號之曰鷺洲理刑松江折獄明允漕務精詳軍畏民懷士咸頌神明使君焉奉撤司刑改授辭歸養親朝夕承志怡顏訓課子弟與名流詩酒寄情超然有五柳逸致丙辰丁巳間楚寇勢熾數使尋訪弟九

永寧縣志

卷之七

列傳

八

成邑廩庠為賊所挾從兄志堅弗順後竟卒於家公扳崖涉險走吉州白蔣公以鳴其孤忠憤懣遂卒於黜蔣公親製文弔之曰謝靖節先生

謝上舉生自父汾陽官署性穎異總丱與兄上譽同學文石第不屑屑舉子業冲齡竝補弟子員年廿四歲登壬午賢書兄亦中副車一時紙貴洛陽東鄉艾千子先生評上舉文稱為嘉隆元燈賴以不朽未幾黜邑猖獗兩兄被禍公伏處山阿秘密聲光誦讀不輟壬辰赴南宮試未售揀考縣職辛丑

成進士志期遠大明年天部銓選山東萊蕪知縣
公以未與殿試辭甲辰補廷對賜第曲江宴罷
歸里行恭操堅無殊寒素每偕族司李鷺洲諸名
達講學於青原玉笥間以理學著述自任愚山施
道憲贈號曰玉巖迨甲寅奉咨入京授陝西鞏昌
安定知縣惜

命下之日遂即世猶子祝嘏倚隨長安扶襯南還厝
正首丘竭盡孝思當朝名貴多為痛悼弔奠少司
農族叔道墳其諱大司農同年熊公一瀟題其影

永寧縣志

卷之七

列傳

九

大史張公貞生為之傳太守同年鄒公嶧王公吉
楊公周憲誌其墓合刻輓章詩文曰懷謝芳聲拔
貢授平陽縣丞光玉卽公嫡孫未赴任先卒於家
人共惜之

謝昌晉崇禎年間宗室儀賓髫年入泮戊辰鄉試王
府選婿昌晉與焉生平博學善書好善樂施鄉鄰
德之妻喪義不再娶年九十耳目聰明人異之

義行

增

宋

謝彥昇七保人生有異相胸痞如印年二十五自捐糧二十萬運至黃州接濟軍儲諸鎮資其食者以事聞寧宗召見稱賞不已授行軍總管固辭不就曰臣以升斗之餘所以為民非以鬻爵也厚賜金帛歸隱東山捐修彰聖寺佛殿施田膳僧垂蹟雍正五年欽奉恩詔搜查忠孝節義特建祠宇崇祀學宮雍正六年題請奉

旨恩允送主入祠事載入江西通志

永寧縣志

卷之七

義行

十

按謝彥昇捐糧二十萬之多接濟軍儲功在當時授以行軍總管而退處高尚固辭不就雖仲連之義無以過之業經查取崇祀即通志早登之以勵俗維風而邑志未載誠為缺事今特編入義行傳首寧邑風俗近古類多豪俠要當以公為最

明

陳子良字葛隱三保葛田人好義樂施明正統六年饑荒出穀賑濟當途奏聞遣行人賫勅旌表門閭立石題名勅曰國家施仁養民為首爾能出穀

賑濟朕用嘉之今特賜勅獎諭勞以羊酒旌為義民仍免本戶雜汎差役尚允蹈忠厚表勵風俗用副朝廷褒嘉之意欽哉故勅

劉隲良字玉山二保橋頭人好義樂施明成化四年聞江南饑斗粟千錢載家所積稻穀賑之院司請旨褒擢留以官固不受尋復具奏勅獎建立坊碑勅曰國家施仁養民為首爾能出穀貳千叁百石用助賑濟有司以聞朕用嘉之今特賜勅獎諭勞以羊酒旌為義民仍免本戶雜汎差役尚允

永寧縣志

卷之七

義行

十一

蹈忠厚表勵風俗用副朝廷褒嘉之意欽哉故勅張伯隆一保人正統六年出穀賑荒奉旨旌表門閭立石建坊勞以羊酒復其徭役

尹碩膚八保蕉陂人明正統年間施穀賑荒奉旌建坊賜冠帶榮身成化丁未春泰和狀元曾彥以清節處士題其真

蕭孟魁四保人成化丁亥出穀賑荒奉旌建坊龍元珠好善樂施捐穀賑荒勅旌義官

陳忠七保人弘治七年預備救荒奉例奏准旌賜冠

帶給劄知縣謝主為立承恩坊

謝頤六保人弘治四年邑令馬鉦勸捐穀石分貯賑
給賜冠帶榮身

陳經貫四保石陂人弘治間出穀賑濟奉 旨旌表
門閭建坊立石勞以羊酒免其差役

陳忠厚字陽鶴四保石陂人弘治間出穀貳千壹百
捌拾石助賑江南奉 旨旌表門閭立世恩坊勅
碑現存勞以羊酒免其差役

尹常通八保蕉陂人弘治年間運糧南京賑荒奉□

永寧縣志

卷之七

義行

十二

旨建坊冠帶榮身

尹瓚□玉旒四保古田人弘治年間出粟賑荒奉
旨□旌義民建坊

尹楷 保排下松山下人成化四年出粟賑饑奉
旨□表建坊勅碑現存

陳良□義樂施天順元年旌建恩榮坊匾冠帶
飲賓□員尹登第字小魯三保大礮人

飲賓□德駢字集千七保歷山人

飲賓劉錫琯字彤雲二保橋頭人

貢生陳命龍字允迪四保石陂人

貢生張躍龍字秀士四保定溪人

貢生陳萬選字元才三保葛溪人

生員尹樂聘字俊三四保古田人

飲賓尹一周字錫予三保大礮人

生員謝逢主字東里六保雙溪人

飲賓尹自名字國士三保茶源人

里耆尹治字台水八保焦陂人

里耆張維靄字吉士一保三台星人

永寧縣志

卷之七

義行

十三

孝友

仁先愛親義先從兄孝友立人之大端矣包實夫謂虎曰容我畢養終還汝啖鄭濂家十世同爨上問之對曰守家法不聽婦人言而已此等懿徽垂範於今亦至性所發罔有汨沒焉耳漢詔以此取士有以也夫寧邑素稱醇樸故篤於至性者代有其人休哉古栢紫荆奇花繽紛壽諸芳版固清時之瑞也

宋

周平一字正寬其先吉水人靖康俶擾避地寧邑家焉淳熙乙未特科廸功郎奉嶽祠居平事親至孝邑士劉明老輩百八十人聞其孝於郡請旌於朝平一峻拒之

謝宗信七保人授寶慶府鹽稅大使早失怙事母以孝母疾甚澡雪告天割股療之以瘥鄉達陳養吾贈詩云兒身母之肉兒肉母之血肉血非兒有豈惜一鬻割但願母身康敢怨兒足蹶蒼蒼萬仞天母恩奚有極

永寧縣志

卷之七

孝友

十四

明

周本立七保人餼於邑事父母以孝聞母歿廬墓三年酷似青雉白鹿之異邑令張雲龍旌其門

鄒泰正統間北上廷試考授宰職聞母病芥視榮利棄官歸籍養親餘年垂老作忠孝篇傳家冢孫賢弘亦以廷試外擢有祖風掛冠終養元孫衍義義官也篤於至行邑令陶公匾弊之世稱為一門純孝云

謝舜儀六保人慶元教諭應奎子其弟庠生國宗疾

篤醫治不效謂不可復起儀泣謂妻陳曰儀艾年無子所賴承宗祜者弟耳設不起儀雖生何益願以身代陳甚然之遂昕夕禱天求代弟死百凡所需悉罄己貲扶持調護之尋國宗愈儀亦無恙人謂至誠之感

謝寧祿幼聰穎淬志經史弱冠餼弟子員析居後仍分膳兄弟養親盡志旦暮定省弗忍離應貢選悲父喪惟母在堂邑令檄之行不可母命至再三方垂泣就道初授延平學博躋復補南陵諸生例割

永寧縣志

卷之七

孝友

十五

廩金餽師祿力卻之申為定式陵庠建碑以表清修擢高安諭範模益飭當道屢為旌獎遷岷府授歸惟以課子為事咫尺縣庭非公事不謁邑令張公應徵條其孝友上之臺司後邑令張公紀申請益力邑人稱敦行長者

尹祖化穎敏博洽廩庠屢試高等事親孝父性卞急化多方承順之奉養必腆潔晨昏出入必省告父或暴怒諍撻化跪伏待罪俟父氣平而後已比沒哀殯如禮長子善新初為父所逐削髮僧遊逮歸

省會化病劇善新斷指和藥以進即愈人謂化孝
道感及其子亦天道好還之報應貢以病孥弗獲
赴京而卒邑人憐之

謝舜匹七保人博通群籍輶軻名途父病篤禱天卦
股救愈泊父歿築舍墓側三年虎蛇馴繞其廬異
徵簇至後學醫不受錢救活者無慮百數十人又
拾金於郡城候失主至還之失主問其名氏不答
不望報也府道匾雄固辭邑人奇之

謝起潛七保人為諸生時祖母病瀕危焚香剖服尋

永寧縣志

卷之七

孝友

十六

愈明末膺責任湖廣安仁縣教諭

篤行

夫士慷慨於一時易而積累於平日難故聖人不
以蹈白刃辭爵祿為稱許而諄諄於積善集義之
訓真至知言也今之君子雖顯晦不同行事亦異
苟能晝觀夜卜不為塵情俗念而喪吾寶是亦聖
人之徒也豈鄉曲一節之士哉

蕭韶四保人安化縣學博淹貫經子醇修式玉課兒
孫飭士子以聖賢為必可師默符吳康齋之旨卒

年九十輿論躉之

唐邦榮 保人字用信丰儀峻整行修志潔友愛稱
於宗邨德誼孚於閭右以選貢授常德府訓陞海
寧縣諭以身為教尺寸無苟及歸息影林巒人稱
無瑕君子

謝應奎字文宿動循規度信洽鄉邦任慶元教諭士
林浴其教澤當道旌以卓異秩未滿堅志告隱杜
門謝事課子明經子舜儀以孝友著稱

謝縉字用賓任開建學訓陞潮陽學諭為人友愛謙

永寧縣志

卷之七

篤行

十七

和鄉邦頌為君子

蕭日學歷官藍田福寧永定訓諭造就士子拔茅萃
升歸家惇睦飭行遠近化之居然寬大長者

唐邦槩字用節志行高古學亦純正以資貢尚志不
仕惟閉門却掃耽書養高與兄榮齊名人稱聯璧
龍廷謚字汝寧九保人質龐樸性端介早業舉弗就
其居家孝友惇睦樂善好施貲故饒親屬有貧難
自給者計其家指捐租膳之族隣待以舉火者無
慮百餘家五子庭訓諄切嘗語吾生平無足稱惟

方寸無害人念汝曹識之易箆□命盡火□□
券曰毋以此累心田也晚年解脫塵網笑傲林泉
徘徊月溪金馬之勝更捐修上山菴樓棲養恬於
無生之旨若有玄契也公別號石泉御史李公儼
為作石泉記諸子曰冕曷旦星皆象賢鼎最著
龍鼎字宗重幼聰穎日誦千餘言方朮補邑諸生博
貫群書事母尹氏以孝聞撫猶子諸孤讓產勤誨
期於成立焉里閭有難自給及貸不能償者即捐
恤焚券無難色居常模範必端嘖咲不苟子姓朋

永寧縣志

卷之七

篤行

十八

顛稍涉謔語妄動相誠惟恐其知課二子義方加
嚴長遇竒次遇景並蚤高峙儒林公自祖父以來
累世積德至公益學富行修乃屢躋鄉闈弗□因
子遇奇貴膺

誥贈人以不發於其身而發於其後為積善慶□之
明驗其生平善狀槩具彭給諫誌銘語中崇□□
賢

謝堯誥字君寵性醇謹甘貧力學嘗受易於永新進
士李承緒博洽飭勵李甚奇之事親祇順行己端

靜屢以德行膺賞己卯選貢授建昌府訓移掌英
山教會己丑歲歉上廉其操授金二千兩與邑令
分鄉發賑誥自囊乾糗核其貧而多寡之窮民喁
喁感德他鄉未被者嘆曰何不生我於天樓諸鄉
□共沾謝之惠也部院匾旌之艱補奉化拔應秋
試轉廣安遷惠州復取應試前後與王公大史德
□楊公起元友善各贈詩文致還年踰七袞恪惇
□修手不停披一日無疾而逝人士念慕之

李周字世用幼醇篤端嘿弱冠補諸生博極羣書七

永寧縣志

卷之七

篤行

十九

試於鄉弗售應貢方北上而卒年七十四事親孝
有疾則宵衣待劑顛以身代歿後邁忌薦祭號慟
弗已垂老猶然遇人謙退雖冲孺無慢而其德感
所讐雖惡少亦知敬憚食貧自甘杜門著書非公
事浹歲屏迹縣庭邑令長率高其行張公應徵稱
其古貌古心嘗式其閭贍以官田十畝謝弗受又
諳醫術常貯藥數篋求診則與之藥全活甚衆或
酌其藥值則笑而卻之從遊多名士邑中衿紳半
出其門進士龍君遇奇為之傳

德壽

附

謝誥九保人敦行孝友廉隅自飭生前明萬曆辛亥
迄天崇逮順治壬辰精神強固矍鑠不衰明三舉
鄉飲時邑侯贈以百歲賢良匾天篤之慶由德所
致云

陳德澗四保人天啓元年 恩賜壽官冠帶生平操
□行諄篤無機詐罔偽黨里式其型多潛德不令人
知受寵命不以為榮鴻儀高尚隱君子風也歲躋
期頤見者歎為行仙焉

永寧縣志

卷之七

德 □

二十

謝璉 保人行□靖慤以古道自處不欺不罔內冲
怡而外謙順於物無忤人樂其淳謹戒子弟取則
焉龐睂齟齒若喬松古栢挺然凌寒不凋也百歲
時通邑士民公舉題請榮賜冠帶坊表其廬洪範
按箕疇壽先五福蓋令德受祜良非幸致

本朝大化翔洽凡黃耆耆舊號人中瑞者百歲以上
倍加 寵賚誠曠典也是用登此以昭至治之休
徵云

文學

士挾雋才翹楚藝林固應 國家景運而生亦田
山川孕霸蔚為國華也楚水吳山寧邑宅其中魁
岸名宿後先相望挾桓君山之富登并大春之堂
或摘藻而攄性靈或托韻而吐牢騷紀其族氏照
人耳目矣乃知古來之辨白題及滑與瑯邪鄆稻
者非特聞喜博陵間有此才也

李鉉字時舉九保人穎敏絕倫過目成誦髫齡博通
經史早歲餼廩試輒冠塲孝廉謝君容儼與友善
心折其學嘗戲指其腹曰此陸澄書櫥也何物有

永寧縣志

卷之七

文學

二十一

容乃爾嘉靖間按臺臨塲通試全省命五日其末
策問偽漢就擒始末衆多閣筆鉉對宏博辨悉臺
使覽之驚服取冠首鏤其全卷行世鉉為吉冢孫
吉博古善詩人謂鉉能繩武必大三父未竟之施
惜屢科不第天不假年迄今人猶慕而憐之所著
有易經講義一得論數卷藏家

鳴字以謙七保人行誼端飭宅心恬退更綜覽
經史邑令李公養棟嘉其學行造廬幣聘為子講
□□五載甚見崇禮本分外事絕無干預輿情服其

有學有守甫應貢以疾卒

謝學傑六保人幼聰異弱冠餼膠庠棘闈兩次副榜
由歲薦廷試第一名授廣西隆安知縣任八月辭
綬歸隱宦裝蕭然惟圖書數軸嗣鬱林一石之徽
蕭克四保人性行醇謹書淫恰擬孝標而一坵一壑
□人謂過之邃養木雞屏跡公庭課子韶以明經著稱
尹樂道字心一三保人天資明敏舉筆成篇與詞林
蕭拙修諸名公同社群相引重八試棘闈兩擬中
式早年歲薦授浙江鄞縣倅攝奉化宰篆週一載

永寧縣志

卷之七

文學

二十二

才非百里可限吏隱養浩兩袖清風掛冠歸梓

謝三元七保人崇禎乙亥貢遇特典兩場考選廷試

□欽賜進士隨疏停止初授河南理問才略出羣陞

□開封府襄城知縣禦寇有方加河南省監軍道督

□理糧餉遭闖逆陷城慷慨就義全家死節止遺季

子贊珠書吏陰抱出城至今派衍襄城

尹調元字行素三保人博學宏才經史淹通文人騷

客琴尊造訪尤精禽數事多前知餼於庠者廿餘

年凡試棘闈兩擬中式應貢以著書養高具呈辭

讓督學趙旌其文行以致仕大紳優待

謝命官七保人篤學好古博通諸史由恩貢廷試天下第三授知縣候選卒於京士人嘆悼

謝堯大七保人幼負聰穎博洽經史屢試下第至髦不衰日以元燈自期安貧樂道與人無競年七十餘詩酒自娛無疾而卒

義勇

透瓜穿齧截腸奪稍義膽所披勇斯倍焉登鐵上而投車子良曰婦人也戰乘邱而隊馬公曰末之

永寧縣志

卷之七

義勇

二十三

卜也寧之義氣奮激勇登於明堂者有若鄒瀨若炎午若秦堇父狄虎彌建捲土重來之旗褫小醜鳴張之魄血灑千秋生氣猶覺凜凜

宋

謝士琳七保人當宋季革命之秋與姪宗道首興勤王義士修龍王寨以衛翊鄉閭民賴以安辟為靖江主簿

謝仕賢七保人宋季獠寇為患奉勤王詔奮然募士三千餘人直衝賊營破之授升鄉寨巡檢陞蒼梧

尉

謝東魯宋季獠寇負固官兵夾攻弗下東魯領兵深入其阻殲厥渠魁事聞受以爵賞辭弗受曰去寇除暴所以為國非為名也退居羅陂號介然翁年九十三終

劉朝諭字文開二保人宋末咸淳時有草寇梅七作耗大軍不克朝諭協領義兵擒獲送朝有功受勅

明

蕭日金蕭曜蕭曉四保人嘉靖間湖寇王矮子出劫

永寧縣志

卷之七

義勇

二十四

一保勢甚猖獗三蕭素驍勇以方略自負不俟召募自集數十輩為一哨直抵賊營戰數陣折賊數鎗夾殺數賊賊見鋒銳敗走蕭急迫之欲搗其巢穴因山路羊腸失足而蹙且從兵後至遂遇害既死猶裂眦怒髯若敵賊狀髡守鄞縣屠太山聞其事為文遣井岡巡檢楊清致祭為立祠於礮頭濱江匾曰義勇

謝啓斗少負膂力體貌魁偉才略過人初為義營把總改革時奮殺尙寇羅富章等保障一邑地方安

堵邑侯冉公 申文加獎按院吳公 陞受遊府
賜匾義勇冠軍

尹復昌七保金源村人順治二年任四川蓬州守備
四年勦寇有功陞山海關遊擊

楊順生四保民張容靖家僕嘉靖間湖寇王矮子百
餘人劫掠靖家縛靖夫婦於廷柱衆僕皆散順生
矚賊抄財內室操刀直入解縛馳負出門容靖夫
婦得脫走賊見蜂擁急迫順挺立塘塍罵曰我在
此汝何往與賊交鋒折賊鎗砍賊首身亦被數鎗
永寧縣志 義勇 二十五

永寧縣志

卷之七

義勇

二十五

因失足魚池遂被殺嗚呼是雖容靖平日思感所
致亦順生天植其性知有主而不知有身與人臣
之死主難同一義也

蕭日表礮頭人嘉靖間楚□擾境表統俠御之寧邑
得奠建祠崇祀匾曰効忠

隱逸

种放焚葦硯宏景宰華陽雖非假容江臯而名根
未淡非真隱也然則田游巖之烟霞痲疾為真□
乎曰不然昔人云大隱居朝市小隱居經樊惟其

所處耳故士有坎壈落拓弢光隱曜亦有掛冠勇
退埜服終老視彼鶩趨螳附者真判若蒼素矣矧
寧之人士薰孟水部之流風維持世教以矯頽靡
安在不可與古之高士並有千古哉

宋

周鑑卿七保人貫通經史寧宗朝上書萬言帝覽甚
稱善授以官固辭歸隱銀岡結頤晦草廬讀書其
中因號草廬山人

謝宗和字竹坡七保人家富裕立義學以訓子姓進
永寧縣志 卷之七 隱逸 二十六
士周應星為之記歲淳祐乙巳歉甚民艱食發粟
賑之塗有莩捐棺葬之有司以事聞辟為德安縣
尹辭弗就歸隱旗山之麓

謝仕曷七保人讀書好禮敬以持己雖平居亦深衣
幅巾綽有古人風號冰壺道人七子皆學易於進
士河梅庭門

羅觀光字東明宋咸淳進士改革時自爇下來隱於
寧因家露霞為羅氏基祖著聞見錄家訓百篇等
書時有五友文會先生為主壇一時學者宗仰之

稱鐵窓先生事三見謝族成化老譜

明

李竒字時俊九保人冲夷恬靜自甘澹泊天順間以貢授平樂知縣時寇難未靖辭弗就歸隱鵝山之麓榜其門曰食祿天邊多士顯掛冠林下一人閑惟賦詩課子為務三子俱蹕起克振家聲其季吉以明經任廣州訓導

謝士虬七保人年幼入泮襟懷洒落有狂士風目擊時艱抗直不阿遂遁跡林泉詩酒自娛邑人咸服

永寧縣志

卷之七

隱逸

二十七

其氣概焉

本朝

謝登第七保人少博經史早拔廩餼蹇遭喪明灰心浮名臨貢具呈辭而不就志切林泉琴書自娛行修志潔有德可嘉學道旌匾高尚號為石泉山人

寓賢

增

名流所至山川增輝嚴光高尚托跡於富春子真遐舉遯世於西山雪鴻留影春麝遺馨後世依稀憑弔輒動伊人之慕寧邑山峻水駛俯仰栖遲宜

多履綦故迹然僻在遠隅紀錄或罕顧地以人傳如孟水部不與笥山共千古乎

南唐

孟賔于字國儀連州輔國鄉人天福中自湖湘越京洛應舉遠人無援遂卜命於華山神蛟有如一年乞一玦凡六擲得吉天福九年登第果六舉後往江南官至水部致仕居寧邑玉笥山自號群玉峰叟

又按南唐書孟賔于湖湘連上人歸南唐授豐城永寧縣志

卷之七

寓賢

二十八

主簿遷塗陽令致仕隱居於此

節烈

陸子壽家居閨門肅若朝廷論者謂君臣夫婦初無二義則夫瑤池雪作肝者顧不使二心臣愧死無地乎寧之作女博士者少而孤孀貞操香閣鬢睂漢可歷舉焉彈陌上操化峰頭石還屍陰瑜碎首巖壑之死不作不天婦用紀厥事以炳汗青嗟哉靈床之蛇即梓木之鳥也白溝河之泣即桂林橋之泪也忠節非一轍事哉

龍氏名音娘六保民謝應棟妻年二十守節嘉靖壬寅賊劫其家擄掠男婦多人龍懼其污奔投魚池被執拒罵不從賊以刃嚇之遂伸頸拭其髮曰寧殺我不受汝辱賊首王矮子乃諭衆曰此婦不畏死亦難得遂舍之

謝氏名長娘三保民陳諫妻年二十夫死遺孤陳明德方一歲公姑憐謝青春既服闋令猾婢諷之改適以試其心謝應婢曰我心堅如石豈得以此餌我嘗記夫死以孤托我且曰願無二心設改節何

永寧縣志

卷之七

節烈

二十九

以見我夫於地下遂誓死守節教子業儒為增廣生鄉黨皆稱其貞潔

謝氏名聰娘二保橋頭劉秉梧妻生二子而夫喪年方二十有二家計窘迫謝矢志守節躬織紉以撫遺孤年踰六袞人無間言邑令張公應徵為申聞司院屢經優獎入節孝祠受享

楊氏名五娘張樞妻年方二十五其夫沾熱病二年餘楊朝夕扶持不倦至丙午三月夫疾甚醫謂勢不可起其姑具以告且曰汝兼有刑尅楊曰夫亡

我何用耶願以身代乃投豈與幼兒永訣曰汝當學善遂自經於閑房不旬日夫病全愈嗚呼楊氏知有夫而不知有身欲愈夫不起之疾而忍割爪爪之愛其從容就死與彼迫於時勢決死於一節者更為難矣

謝氏名和娘七保廩生周朝賓之妻年二十四守節生三子長子文郁邑諸生苦節撫孤終身不渝邑侯陸公聞而請褒賜匾天壽慈節

陳氏四保礮頭蕭堯煌之妻年十九歲生男蕭舜日

永寧縣志

卷之七

節烈

三十

方七十日夫亡孀守五十載壽七十嗣孫蕭懋功蕭聯選俱庠士荷明賜進士第兵部左侍郎前大僕寺正鄉浙江道監察御史李陳玉讚云栢舟初賦日桃李正芳華孤兒方解笑慈母淚盈車霜雪五十載孫枝遍長芽乃知造物心長存節義家中幘持天柱鬚眉胡爾耶會見龍章下繡服響六珈龍氏謝鷺洲公之母御史龍公兄應霆之女也母未誕時霆夢神人執印傘執事立庭中授之并賜以蟠桃方驚異而報母生矣因名蟠娘此其初生之

有異者長而擇配以仲吉公英年詞藻丰采聲名藉甚咸目為大器故適之母盡婦道以事姑盡妻道以相夫雖薪桂米玉有無不形鷺公暨諸郎生仲吉遂逝年三十而寡飲冰茹藻志節愈堅每語鷺公曰名未可早成祿不可倖邀由是日督諸子以記誦夜課鷺公以文藝壬午七月中時城少崩有虎突入室至機前母織如常諭之曰此非爾所至可速退竟搖尾而去識者謂此貞烈所感與古孝子廬墓而守門者符且必有張大其家聲者及

永寧縣志

卷之七

節烈

三十一

鷺公聯捷司李松江祿養既厚而富貴不易平素丁巳寇警避周家山是夜虎復咆哮蓬側若迫之使遷及晨遷不踰時而寇大至節烈之感物始終不渝年近耄期而勤勞不減敬姜訓課延賓不讓孟陶誠足母儀一邑寧非女中君子乎母生萬歷辛丑歿康熙壬午壽一百有二歲誥贈安人邑侯任倫備匾貞壽百齡督學王式穀匾贈名門壽母俱存

張氏出廬陵望族適邑庠生謝天申年二十八歲謝

生棄世張氏清貧自守撫半歲遺孤啓尊教誨鞠
育寒暑弗倦自明季癸未至康熙丁巳每遇風鶴
告警先有夢神指示克全無恙迨今年近九旬猶
康強自如操作不息其節烈勤儉之風始終如一
厥子能振家聲厥孫著名鬢序乾隆丁卯奉
旨建坊以揚懿徽於不替

李氏名錦娘七保增廣生謝帝選之妻年三十六歲
康熙十六年丁巳永新西鄉九礮地方臘月初九
夜有賊兵張德恩等三百餘人圍村屋放火殺戮

永寧縣志

卷之七

節烈

三十二

無數擄掠婦女孩童數百子媳奔散李氏被擒獨
不肯往願求一死怒觸賊衆亂砍四刀頭頂髻髮
盡落腦髓湧見手斷二指當幸賊放選歸見李懜
地血流塘界驚喊倩人擡入踰時方甦當苦無藥
賴神默佑月餘乃愈神憐其烈人服其節兼以剝
髮延師訓子廷詔癸亥第一入泮邑侯陳特詳
道府允而錄之

康氏美良崇禎壬午副舉謝上譽妻進士上舉兄嫂
也年二十五歲夫亡孀苦守節撫孤成立教子祝

嘏力學能文訓孫紹吾十五入泮後膺歲貢今其
曾孫主恩亦以貢選皆氏教育之力學道府縣匾
贈七次節壽詩文盈篋付梓享年九十一歲康熙
四十三年督撫題請四十四年奉

旨勅旌建坊入節孝祠事載江西通志

譚氏龍娘生員龍友駮妻也出湖南望族都堂公族
孫女懿德安閒順治九年四月六日寇突至逃竄
山中賊勢猖獗晝夜擄掠氏被執賊強之從氏正
色不變詈罵不輟大言吾都堂孫媛察院孫婦千

永寧縣志

卷之七

節烈

三十三

金重軀豈能輕污秀士妻室肯從賊徒披髮破容
引頸受戮賊憤怒斬之山谷到今人驚其烈焉

何氏梅英十六歲歸八保劉栢珠食貧操作奉舅姑
甘旨性順而嚴不事靚粧人未見其嚙齒聞其詈
聲鬻奩具為夫試院資斧二十七歲夫病癰誤為
醫破潰爛難堪氏不畏腥穢吮其膿血慄慄四閱
月翼持起居煎調湯藥夫亡忍死存七歲孤服終
毀華飾不與慶賀事一味之甘必哭奠於夫靈婚
教孤汝楫幾成名而歿遺一孤及迥亦殤氏痛夫

系絕以姪欽為嗣茹檠食荼數十餘歲冰雪無瑕
族里無一間言也

謝民二保廩生尹行素妻山居遇寇被執罵賊而死
雖烈丈夫何以加焉

左氏七保斬尚幼妻二十三歲守節

蕭氏良娘謝遇颺妻二十一歲守節

龍氏生員謝天申妻二十六歲守節妾張氏同時守
節有傳

龍氏尹丹桂妻二十六歲守節

永寧縣志

卷之七

節烈

三十四

劉氏淑柔儒童謝作翰妻十九歲守節

電氏生員尹聘莘妻二十五歲守節

劉氏品潔職監謝鼎聘妻二十六歲守節

蕭氏粹娘廩生謝鼎命妻二十六歲守節

以上八婦俱已題旌建坊

□氏儒娘生員陳恪妻二十六歲守節

能氏月娘典吏尹一相妻二十七歲守節

曾氏能安生員謝大常妻二十八歲守節

李氏情娘生員劉錫袍妻二十三歲守節

謝氏張雲宗妻二十二歲守節

鍾氏尹國印妻二十八歲守節

唐氏綺娘儒童段賢星妻二十八歲守節

蕭氏德馨陳獅石妻二十三歲守節

謝氏陳鴻飛妻二十歲守節

龍氏謝如玉妻二十九歲守節

謝氏生員劉升第妻二十六歲守節

唐氏德娘廩生謝作霖妻二十七歲守節

謝氏祥娘尹登甲妻二十七歲守節

永寧縣志

卷之七

節烈

三十五

蕭氏尹我富妻二十七歲守節

周氏蟬娘袁達三妻二十二歲守節

謝氏貞娘蕭協正妻二十六歲守節

劉氏端愫儒童謝玉琦妻十八歲守節

李氏辛娛陳雅順妻二十一歲守節

劉氏尹廷英妻二十六歲守節

劉氏段希瑤妻二十歲守節

尹氏蕭英邦妻二十五歲守節

謝氏瓊英蕭善良妻二十三歲守節

三氏福娘羅小韓妻二十四歲守節
尹氏寶娘謝天寬妻二十一歲守節
劉氏雪娘謝作民妻二十九歲守節
龍氏有娘李殿先妻二十五歲守節
曾氏良娘張甘澍妻二十歲守節
劉氏振娘謝質文妻二十六歲守節
陳氏劉字山妻二十六歲守節
劉氏尹我錫妻二十六歲守節
劉氏貴娘尹顓孫妻廿七歲守節

永寧縣志

卷之七

節烈

三十六

劉氏清潔謝蘓五妻二十六歲守節
羅氏明娘謝捷斐妻二十六歲守節
張氏安娘謝喬士妻二十九歲守節
張氏善娘謝雄飛妻二十六歲守節
羅氏廷娘謝昌達妻二十歲守節
陳氏生員龍之雯妻二十四歲守節
陳氏嫦娘唐超先妻二十二歲守節
龍氏生員謝述聖妻二十七歲守節
劉氏淑潔謝德駒妻二十六歲守節

謝氏靳堯章妻二十二歲守節

蕭氏孀嫖謝■妻二十歲守節

趙氏袁彥興妻二十二歲守節

何氏梅娘劉栢珠妻二十七歲守節

劉氏廸娘謝冠群妻二十四歲守節

李氏闌範尹石清妻二十八歲守節

尹氏定娘張殿選妻三十歲守節

謝氏陳涵奏妻二十四歲守節

朱氏謝吉開妻二十七歲守節

永寧縣志

卷之七

節烈

三十七

貞女

附

張氏蓮秀處女也及笄許配二保劉門甫一載其夫

商四川五年後同伴歸始知其病故旅殯於西蜀

氏時年二十一父母俱故兄弟憐之欲令改適氏

泣曰一與之盟終身不改奚必親侍巾櫛乃為伉

儷耶命也如此復何言涕泣嗚咽族隣再四勸之

恐其雉經絕口不敢復言服闋慶賀不與淡粧素

飾家寒織紉度朝夕年六十餘歲不輟勤勞

彭氏藜秀初許字蕭君蘭未親迎蕭獨子家貧貿易

滇南二十餘載卒於異鄉凶聞至氏哀痛衰麻三年操矢相舟心同金石上無姑姐中鮮兄弟事其父母養生送死以女代男皆日夕紡績勤苦以給六十五歲而終前邑令張匾其廬曰貞孝流芳蕭彭二姓俱無服親里中至今嗟歎焉

尹氏雪姑弟邦憲同居三歲失父十歲無母氏年二十未字矢志不嫁以撫孤弟祖母家人嘗婉詞勸諭氏誓死不從蓬髮垢面親操井臼備嘗艱辛甘心為父母存宗祧蓋貞而兼孝云

永寧縣志

卷之七

貞女

三十八

周氏嫦秀少秉貞性月皎雪潔因失怙母老依戀不忍違膝下雖有兄弟立志不嫁與母起居備盡色養人以非言進硜硜不移易所謂女子貞不字者也昔齊嬰兒子撤其環瑱以養其母威后以為率其民而出於孝情庶幾近之矣
按未字夫亡禮有明訓諸貞立志皎皎堅確不移未可以匹婦之諒槩視之也故具錄之

壽婦

附

鄒氏謝學揚妻也生嘉靖壬子卒順治癸巳歷一百

二歲前令陸匾贈跋云母德超群清標玉映教子
有方傳家惟儉好施而閭里均沾積德而發祥自
遠年登百齡蓋聖世之休徵抑鄉閭之盛事語皆
實錄備書之焉

謝氏六保店前邑廩張興騮妻也性柔順温恭事翁
姑得其歡心佐夫戒旦文行著郡國六十年白髮
偕老芝蘭競秀

國恩賜肉帛兩膺公舉邑令劉贈匾曰崑母懿則學
院趙匾贈瑞協坤儀後享年百歲卒請題未果

永寧縣志

卷之七

壽婦

三十九

按婦女中躋享高齡稱完禧者誠為僅事寧邑閨
閣期頤所在不乏耳目所逮者並附書之